

درسعادته یکی پوسته خانه قارشوسنده
دائرة مخصوصه در
محل اراره:

مستطابق

مسلکمنزه موافق آثار جدیده مع المنوبیه قبول اولنور
درج ایدیلیمین آثار اعاده ارنماز
انظار:

دین، فلسفه، ادبیات، حقوق و علوم دن باحث هفته لق رساله در

مؤسسلری: ابوالعلا زین العابدین - ح. اشرف ادیب

سنه لکی القایلی

درسعادته	۶۵	۳۵
ولایاتده	۹۰	۵۰
ممالک اجنبیهده	۱۰۰	۵۵ غروشدره

تاریخ تأسیسی:

۱۱ تموز ۳۲۴

درسعادته نسخه سی ۵۰ پاره در

قیریلنه دن مقوا بورو ایله کوندریلیرسه سنوی
۲۰ غروش فضله آلنیر.

درسعادته پوسته ایله کوندریلیرسه ولایات بدلی اخذ اولنوره

عدد: ۱۰

۳۲۶ شوال ۱ صالی ۱۴ تشرین اول ۳۲۴

برنجی سنه

حقه مالك دكلدر . جناب حق زمره ناجيدك وصفنده (وتواصوا بالحق وتواصوا بالصبر) (واتكن منكم امة يدعون الى الخير واما المعروف وينهون عن المنكر واولئك هم المفلحون) (فلولا نفر من كل فرقة منهم طائفة ليتفقهوا في الدين ولينذروا قومهم اذا رجعوا اليهم لعلهم يحذرون) بيوربيور .

بوصورتله مسلمانلر بربرينه نصيحتنده به لنورلر واپچلرندن كنديلرني خيره سوق ايده جك بر جاعت تعين ايدرلر . مع مافيه مرشد طانيد قلري بوجاعتك احوالي تحت مراقبه ده بولنديره رق سبيل رشاددن انحراف ايتدكاريني كوردكلري كي در حال يوله كتيرلر . برده بو جاعتك مسلمين اوزرنده كي حق اونلري طريق سدا ده دعوتدن ، احكام آلميه بي اخطاردن ، ايجاب ايتدكجه تهديد وانذاردن باشقه برشي دكلدر . بناء عليه نه بوهيئت ناصحه نك ، نه ده ناسدن برفردك شخص آخرك معاينتي تحري به قالقيشمسي جائر اولماديغي كي نه ارباب اقتدارك نه ده ضعفانك عقيد سني تجسسه بولماسنه مساغ يوقدر .

اعمال وعقائدني كتاب الله وسنت رسولدن باشقه برمخلدن اخذ وتلق ايله مك هج برمسلم اوزرينه واجب دكلدر . هر مسلم سلفدن ، خلفدن كيسه بي توسط ايتكمسزين اللهك اوامر جليله سني اللهك كتابندن ، پيغمبرك سنن سنيد سني پيغمبرك كلامندن آله بيلير . يالكز بونك ايچون اولجه بعض وسائل تحصيل ايتمش اولمسي لازمدر كه اونلرده لسان عربك قواعديله شيوه واسلوب ، عربك بالخاصه زمان بعثنده كي احوالي ، عصر سعادتده كي وقائع ، نزول وحى ائشاننده ظهوره كان حادثات ، برارده ناسخ منسوخ كي شيلردر .

شايد مؤمن كتاب وسنتدن استنباط حكم ايده جك برحاله دكل ايسه اوزمان كنديسي ايچون بوايكي مأخذ آشنا اولانلره مراجعتدن باشقه برشي لازم دكلدر . مع مافيه ايستر اعتقادي ايستر عملي اولسون ، صوره جنبي سؤالره آله جنبي جوابلر ايچون سائل دليل طلب حقني حائزدها طوع غريبي بويله برطلبه مجبوردر .

مرموم شيخ محمد عبده

نجائب قرآنية

سورة آل عمران : آيت - ۱۰۳

« واعتصموا بحبل الله جميعاً ولا تفرقوا واذكروا نعمة الله عليكم اذ كنتم اعداء فالف بين قلوبكم فاصبحتم بنعمة اخواناً وكنتم على شفا حفرة من النار فانقذكم منها كذلك يبين الله لكم آياته لعلكم تهتدون »

جملة كزبرلكده حبل الله ياپشوب آيرليك (دين اسلامه كتاب الله شدتله تمسك ايدك ، صاقين اره كزه اختلاف وشقاق دوشهرك حقندن آيرليك ، زمان جاهليتده اولديني كي فرقه فرقه اولوب ده اتفاق كلمه بي اخلال ايتيك ، تفرقه بي موجب اولور وآره كزده كي الفت ومحبي ازاله ايدر حالات احداث ايله ميك . الحاصل حبل مئين آلهي به ياپشوب

الحذر محبت والفتكزي ازاله ، جمعيت واتحاد كزي تارومار وپربشان ايده جك احوال واسبابه تقرب ايتيك) وجناب حقك سزه اولان نعمتي ياد وتخطر ايدك كه سز (زمان جاهليتده) برى بريكزك دشمني (اولوب اره كزده كي بغض وعداوتلر ولاينقطع دوام ايدن محاربه لرايله قاب وتوانكز كسلش ، حضور وراحتكز بتون بتون منسلب اولمش) ايكن الله سزك قلوبكزي تأليف ايدوب لطف وكرميله (متحاب ، مترحم ، متناصح ، كلمه حق اوزرينه مجتمع ومتفق) اخوان اولديكز (ظلمات جهل وناداني ايچنده عصبيت وغيرت قوميه ايله اوغراشوب طورر ايكن نور قرآن ايله بصر بصيرتكز روشنا وينكزده كي تفرقه عصبيت جهت وحدت اسلاميه ايله برطرف اولدي . بو برنعت جليله دنويه در ، دوشونكز ، قدريني بيلكز ، بونعت بيمعديل الدن قاجير ميكن) .

دو قيله اوس وخزرج نام داشت يك زديكر جان خون آشام داشت كينه اي كه نه شان از مصطفىا محو شد در نور اسلام وصفا مشوي

وسز آشدن برحفره نك كنارنده بولمقده ايكن (يعني سز كفر يكدن نائي حفره دوزخك كنارنده بولنوب بو حال اوزره فوت اولسه كز او حفره ده دوشه جككز محقق ايكن) سزي (اسلامه هدايت ايدرك) او حفره دن تخلص ايلدي (بوده برنعت كرانهاي اخرويه در) . الله سزه آيات ودلائلي ايشته بويله بريان واضح ايله بيان ايدبور ، بلكه طريق حقه اهتدا ايدر سكر (حق جل وعلا حضرتلرينك بويان الهيسي سزك طريق هدايته ثبات وازدياد كزي طلب واراده ايلديكي ايچوندر ، سزك صلاح وسعادتكز ايچوندر) .

انتباه

بو آره لق بعض اقوام اسلاميه نامنه خصوصي جمعيتلر ، لجنه لر ، انجمنلر تشكيل ايدلديكي ايشيد بيلور . بر ملك ترقيسي ، بر صنعتك حايه سي ، بر تجارتك توسيعي ، بر شركت تشكيلي ، تعاون ومواسات كي امور خيره دن بر امر خيرك مذاكره سي ايچون جمعيتلر ، لجنه لر ، انجمنلر تأسيس وتشكيل اولنورسه بوكي محافل فضيلت جهت جهت اتحاد امته خادم اوله جنبي جهتله شه سز قبول عامه ده مظهر اولور ، بوقدرده دكل ، بوكي مآثر علم وحيتك قلوب امته بر موقع معلاي احترامی اولور ، الى الابد لسان ستايش وحرمت ايله ياد اولنور ، مؤسسلري ، اعضاسي هر دم تجليل ايديلور . فقط برفرد عثماني نظرنده بتون افراد امت ، بتون جهات وطن مساوي اولوب بريني ديكر فرددن ، ديكر قومدن ، بردياري اوبردياردن سچمكه هج بر سبب معقول يوق ايكن وبر عثماني كافه ممالك عثمانيه نك اقبال وادبارينه صورت متساويه ده علاقه دار اولوب نظر وهمتي برجهته ، وبر قومك ترقى وتعاليسنه حصر وقصر ك پيش نكاه عثمانيانده هج بر معنای مستقيمي اولماق ايجاب ايدر ايكن وعلى الخصوص اهالينك وكلاسنندن متشكل ومنتخب شوراي امت ومبعوثان ملت اولوب بونلر واسطه سيله وطنك هر طر فچه اولان احتياجات عموميه وخصوصيه مجتمعا دوشونيله جك ايكن بويله اقوام نامنه انجمنلر تشكيلي ضايع جمعيت كبري اولان وحدتي اخلاص

باعث اوله جغتندن موافق مصلحت عامه اولمسه کرکدر . فرقه فرقه
اولوبده خصمیه طعمه شکار اولمیدم ، بنیان مرصوص اولم . اللهم
ارنا الاشياء کما هی . برکت زاره اسماعیل مقلی

صفحات حیاتدن

بیرام

پرخنده در آفاق ، جهان باشقه جهاندر ؛
بیرام نه قدر خوش ، نه شطارتلی زماندر ؛
بیرامده کولر چهره معصوم صباوت ،
امید چوجوق صورت صافنده عیاندر .
هرجهده بر نور مجرد لمعانه ؛
هردیده بر روح دمام جولاندر .
آلام حیاتک ایکی قات بوکدیکی اجساد
فیضنده کی تأثیر ایله آسوده رواندر .
فردای سکون پروریدر سال جدالک ،
نومید دوشن قلبه امید آور جاندر .
هیجای معیشتده کی فریاد مهیبک
دنیا ده بران دیندیکی آن وارسه بوآندر .
صحنده بهارک شو صباحت بونورمی ؟
باق چهره غبرایه نصل شن ، نه جواندر ؛
هرسینهده برقلب مسرت ضربانده ،
هرقلبه بر عالم اشواق نهاندر .
رقصان اولور جنبش دوشیله عناصر ،
گویا که بتون صدر زمین پرغلیاندر ؛
اشباحی ده جوشان ایدور فیض مبینی ،
یارب بونصل روح عوالم سریاندر ؟
بیرامده کلیر یاده نه خوش خاطره لره
بیک عمره ویراز اوقدر قدری کراندر .
عیدک بکا دایم کورونور لوح کریمی ؛
ماضی طفولیتک یاد بسیمی .

برنجی کون هوا برپارچه نامساعددی ؛
ایکنجی کون آچیلوب صوکره پک کوزل کیتدی .
دیدم که : « فاتحه چیقسم یاواشجه ، بریانده
طوروب اوعلی سیر ایلسهم ده میدانده ،
زیارت ایتسم احبابی صوکره دن .. خوش اولور .
بتون کون اوده اوطورمق نه اولسه پک بوش اولور . »
بوآرزوی تنزه کلنجه آرتق بن
طوروریم ؟ نه کزر ا فیلادم همان اودن .

کلاک ده بیرامی فاتحه سیر ایدک ، زیرا
خیاله ، خاطره صیغماز اوهرج ومرج صفا ؛
قوجانده کزدیربان برقراریش چوجوقلردن
طوتک ده تادده من دملرندن آرتد قلان
برر عصر یا شامش قد خیدکانه قدر
بیوک کوچک بتون افراد بلده ، بوی بوی ، وار ؛
آدیم باشنده قوراش بشیک صانجانلر ،
ایچنده داربوقه ، دغلرله زیللی شاقشاقلر .
براز کیدک : قوجه مان برچادر .. اوکنده بتون
چولوق چوجوق برر اونلق ویروبده کیرمک ایچون
نوبتله بکله شیرلر . عجب ایچنده نه وار ؟
« جاپونیادن کلن انسان صورتلی برجاناوار ؛ »
کچیک : صریله چادرلر . اوکنده هربرینک
دیور : « قوزوم ، کیره جک وارسه طورماسین ، کیرسین .. »
باغیرمادن سسی بیتش آیاقلی براعلان ؛
« آلیک کوزم ، بوکا دیرلر ... » صداسی هر یاندن .
آنتریکچیلرک کفی پک یولنده هله ؛
کلن یایشماده بر مطلقا اوصایی تله .
ترازیلردن آدام اکسیک اولیور . بریسی
اینجه بیفده آرتق اونکده همشریسی ؛
« حق اوقه چونکه بوقنطار .. فرنک اجادی غرام
دکل ؛ درملری درت یوز ، حسابنده شاشماز آدام . »
— محله بیم نهده قایماق ؛

— شفالیدر همچون ؛

سیمیدی ایستدک افا ؟

— یوقش اونلغم طورسون .

اوباشده قوسقونی قویش اکرلی دلدار ،
بوباشده پالیدی دوشمش سمرلی بلبلر ؛
بالو بجیلر ، حاجی یا نمازجیلر ، فیرلداقلر ،
خروس شکرلری ، جیوجیو اوتن اویونجاقلر ؛
صاغکده آتلی قارنجه ، صولکده تخت روان ،
اوگکده برسوری چکچک ، تپه کده چفته قولان .
اوبک اوبک یره چوکش کور چکن دوهلر ..
فراغ بال ایله بردن کویش کتیرمه دهلر .
قوشان ، کزن ، اوطوران ، تورکو سوبلین ، چاغیران ،
داوولای زورنالی « دانس ؛ » ایلین ، جوشوب باغیران
بوکانات سرورک ایچنده کزدجکه ،
چوجوقلرک طرفنده بولوردم اکلنجه .
کوزلجه سوسلنهرک دست ناز مادرله ،
برر چپچک کی نوار اولان بیکرله
کلیدی صفحه موج عیده باشقه حیات ..
بتون سرور و شطارتدی کوردیکم حرکات ؛